



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-3-40-591-4/23**
Datum: 05.02.2024 god.

«Agencija za vodno područje rijeke Save» Sarajevo rješavajući po zahtjevu Investitora „MLINPEK“ d.d. Bugojno, općina Bugojno za donošenje rješenja o vodnoj dozvoli za ispuštanje oborinskih onečišćenih voda sa lokacije izgrađenog kompleksa za skladištenje, mljevenje žita i proizvodnju mlinskih i pekarskih proizvoda u naselju Crniče, Gornjovrbaska br.35, općina Bugojno, na osnovu člana 109. stav 1. točka 2. i 13. Zakona o vodama («Službene novine Federacije BiH, broj 70/06) i člana 200. Zakona o upravnom postupku («Službene novine Federacije BiH», broj 2/98, 49/99 i 61/22), donosi:

RJEŠENJE **o vodnoj dozvoli**

1. Daje se vodna dozvola Investitoru „MLINPEK“ d.d. Bugojno, općina Bugojno, za ispuštanje oborinskih onečišćenih voda sa lokacije izgrađenog kompleksa za skladištenje, mljevenje žita i proizvodnju mlinskih i pekarskih proizvoda u naselju Crniče, Gornjovrbaska br.35, općina Bugojno, na zemljištu označenom kao k.č. broj: 1961/1-18 K.O. Crniče, ukupne površine 20.120,00m², općina Bugojno.
2. Ova vodna dozvola se odnosi isključivo na ispuštanje oborinskih onečišćenih voda koje nakon dospijevaju u vode sa lokacije predmetnog kompleksa, definiranog točkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. točka 1. i 2. Zakona o vodama.
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa tehničkom dokumentacijom kao i sa njegovom prirodom i namjenom.
 - 3.2. Otpad nastao u procesu proizvodnje se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.3. Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu adekvatnim mjerama onemogućujući bilo kakvo isticanje i rasipanje opasnih i štetnih materija na tlo i u vode.
 - 3.4. Da korisnik predmetnog objekta, sukladno danoj Izjavi br.83/24 od 23.01.2024., kao i sukladno Projektno tehničkoj dokumentaciji, Glavni projekt, „Snabdijevanje vodom, ispuštanje i tretman otpadnih voda“ izrađene od ovlaštenog poduzeća „INPROS“ d.o.o. Mostar, oznake VIK 03-10/15 iz oktobra, 2015. godine, izvrši ugradnju separatora masti i ulja na ispustu prema rijeci Okašnici kao i ostalih elemenata projektiranih za taj dio kanalizacionog sustava.
 - 3.5. Da korisnik predmetnog objekta, za vrijeme trajanja ove dozvole, osigura da se onečišćene vode iz proizvodnog procesa, sa prometnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda a zatim ovako tretirane vode, preko kontrolnog okna upuštaju u gradski kanalizacijski sustav kojim gospodari JKP „Vodovod i kanalizacija“ d.o.o. Bugojno a sve u skladu s Uredbom o uvjetima ispuštanja otpadnih voda u okoliš i sustave javne kanalizacije («Službene novine Federacije BiH» broj 26/20, 96/20 i 1/24).
 - 3.6. Vršiti redovan monitoring o ispitivanju i ocjeni kvaliteta otpadnih voda na svim ispustima u kanizacioni sustav kao i iz kontrolnog šahta prije ispusta u rijeku Okašnicu.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 23/17 i 41/20) i Uredbe o uvjetima ispuštanja otpadnih voda u okoliš i sustave javne kanalizacije.

4. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, investitor odnosno korisnik MLINPEK“ d.d. Bugojno je dužan provoditi sve mjere i aktivnosti propisane istom.
6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
10. Ova vodna dozvola, shodno članu 117. stav 1. Zakona o vodama („Službene novine Federacije BiH“ broj 70/06) se daje sa rokom važenja od 30.06.2026. od dana pravosnažnosti rješenja.
11. Prije isteka važnosti ove dozvole vlasnik poduzeća MLINPEK“ d.d. Bugojno, dužan je da zatraži izdavanje nove vodne dozvole.

O b r a z l o ž e n j e

Investitor „MLINPEK“ d.d. Bugojno, općina Bugojno, podnio je 19.12.2023. godine zahtjev za izdavanje vodne dozvole za skladištenje, mljevenje žita i proizvodnju mlinskih i pekarskih proizvoda u naselju Crniče, Gornjovrbaska br.35, općina Bugojno, izgrađene na zemljištu označenom kao k.č. broj: 1961/1-18 K.O. Crniče, općina Bugojno.

U provedenom postupku uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Aktualni izvod iz sudskog registra Izdan od strane Općinskog suda u Travniku SBK broj:051-0-RegZ-23-001466 nada 17.10.2023. god.;
- Potvrda o promjeni podataka izdana od strane Porezne uprave FBiH –Kantonalni porezni ured Novi Travnik dana 19.08.2022 god.;
- Komunalna suglasnost izdana od strane Javno komunalno poduzeće "Vodovod i kanalizacija" doo Bugojno broj:740/15 dana 04.09.2015 god.;
- Ugovor o izvođenju radova zaključen između ugovornih strana br.1664/20-DS dana 16.10.2020 god.;
- Zapisnik o pranju i čišćenju separatora izdan od strane DELTA PETROL doo Kakanj broj:2076/22-DS dana 08.12.2022 god.;

- Rješenje o izdavanju obnovljene okolišne dozvole gospodarskom društvu MLINPEK dd Bugojno izdata od strane Ministarstva prostornog uređenja, građenja, zaštite okoliša, povratka i stambenih poslova broj:06-23-43/19 dana 18.10.2019 god.;
- Uvjerjenje o poreznoj registraciji izdan od strane Porezne uprave FBiH –Kantonalni porezni ured Novi TRAVNIK dana 09.08.2017 god.;
- Uvjerjenje o registraciji/upisu u Jedinstveni registar obveznika indirektnih poreza izdana od strane Uprave za indirektno oporezivanje Banjaluka broj: 04/1-17-1-35-60-2/10 od 09.03.2010 u Banjaluci;
- Uplata za izdavanje vodnog akta uplaćena od strane Mlinpek dd Bugojno dana 29.11.2023 god.;
- Rješenje o odobrenje za upotrebu kanalizacije kruga Mlina koja je priključena na kolektor rekreacionog centra u Bugojnu izdana od strane Zavod za urbanizam i izgradnju Bugojna broj:04-360-259/86 dana 22.12.1986 god.;
- Rješenje o dozvoljavanju za upotrebu magacina brašna Kombinat u za promet i preradu žitarica na veliko i malo Žitorad iz Bugojna izdan od strane Sekretarijat za privredu Skupština općine Bugojno broj:05/8_NŽ-16/2-67 dana 10.06.1967 god.;
- Rješenje o odobrenju upotrebe investicionog objekta rekonstruiranog prijemnog bunkera i kip platforme pored silosa u krugu Mlina izgrađenog na k.č.br.196 (421/5, 421/4) k.o. Crniče u Bugojnu izdana od strane Općinskog sekretarijata za privredu, društvene djelatnosti i opću upravu –Općina Bugojno broj:01-360-557/90 dana 21.09.1990 god. i Aneks rješenja o upotrebi objekta broj:01-360-557/90;
- Rješenje o odobrenju za upotrebu rekonstruirane bravarske radionice u krugu Mlina u Bugojnu izdan od strane Općinskog sekretarijata za privredu, društvene djelatnosti i opću upravu –Općina Bugojno broj:01-360-558/90 dana 21.09.1990 god.;
- Rješenje o odobrenju za upotrebu investicionog objekta garaža i automehaničarske radionice u krugu Mlina u Bugojnu izdana od strane Općinskog sekretarijata za privredu, društvene djelatnosti i opću upravu Općina Bugojno, broj: 01-360-556/90 dana 21.09.1990 god.;
- Rješenje o odobrenju za upotrebu investicionog objekta "armirani betonski cilindrični silosi" čija je lokacija u krugu Mlina u Bugojnu izdana od strane Zavoda za urbanizam i izgradnju Bugojno broj: 04-360-25/86 od 9.4.1987 god.;
- Rješenje o davanju urbanističke suglasnosti za RO "Mlinpek" Bugojno OOUR Mlin Vrbanja Bugojno za sanaciju armiranog –betonskog cilindričnog silosa kapaciteta 10.000 tona žitarica a koji se nalazi u krugu Mlina u Bugojnu izdana od strane Zavoda za urbanizam i izgradnju Bugojno ,broj :03-364-400/85 dana 6.6.1985 god.;
- Rješenje o upotrebi objekta izgrađenog prizemnog poslovnog objekta na građevinskoj parceli označenoj kao k.č.br.196/1 k.o. Crniče, upisanoj u p.l.br.873 što odgovara k.č.br.420/1 iz zk ul.br.164 u ulici Gornjevakuška u Bugojnu izdana od strane Službe za urbanizam ,građenje,geodetske –katastarske i imovinsko pravne poslove broj predmeta 05-23-01842-09,broj akta: 535EM-004 dana 14.12.2009 god u Bugojnu;
- Rješenje o vd izdana od strane (AVP SAVA)broj: UP-I/25-3-40-284-5/20 dana 28.08.2020 god.;
- Glavni projekat-dopuna projekta- Snadbijevanje vodom, ispuštanje i tretman otpadnih voda objekta mlina izdan od strane INPROS doo Mostar broj: VIK 03-10/15 oktobar 2015 god.;
- Izvještaj o rezultatima ispitivanja kvantitativnih karakteristika efluenta sa programom praćenja stanja voda (monitoring) izdana od strane ZGI doo Mostar broj izvještaja 01-2-104-XII/22 dana izdavanja izvještaja 14.12.2022 god.;
- Predračun br. 29-12/23 i uplatnicu za nabavku separatora ISEA AGM 5000 MKZ Q=20l/s DN 200 od AG METAL d.o.o. Zenica;
- Dinamički plan (prilog A) kojim se Investitor obvezuje da će ugraditi separator masti i ulja kao i ostale elemente odvodnje do 6/2024., sukladno spomenutoj projektnoj dokumentaciji;
- Uplata po posebnim troškovima uplaćena od strane Mlinpek dd Bugojno dana 28.12.2023 god..

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je uviđaj na terenu i tom prilikom sačinjen Zapisnik broj: UP-1/21-3-40-591-4/23 od 23.01.2024. godine.

Na uviđaju je konstatirano sljedeće:

Predmetni poslovni objekt je izgrađen na području naselja Crniče na zemljištu označenom kao k.č. br. 1961/1-18 K.O. Crniče, općina Bugojno, ukupne površine 20.120,00m².

Poduzeće MLINPEK d.d. Bugojno ima sljedeće djelatnosti; skladištenje žitarica, mljevenje žita i proizvodnju mlinskih i pekarskih proizvoda. Kompleks se sastoji od sljedećih objekata, objekt za skladištenje žitarica, objekt za mljevenje i pakiranje proizvoda od žitarica, postrojenje za pečenje i pakiranje pekarskih proizvoda, restoran, laboratorija, trgovina, upravna zgrada i portirnica.

Vodoopskrba tehničkom i sanitarnom vodom je iz gradskog vodovoda.

Kanalizacioni sustav kompleksa je urađen separatno pri čemu se otpadne, tehnološke i fekalne vode sprovedene u kanalizacioni kolektor koji je spojen na gradsku kanalizaciju. Oborinske vode kao i jedan dio kanalizacionog sustava se upuštaju u rijeku Okašnicu.

Projektnom dokumentacijom za ovaj dio kanalizacionog sustava predviđen je tretman preko tipskog separatora sa koalescentnim filterom, a isti je nabavljen od poduzeća AG METAL d.o.o. Zenica tip ISEA AGM 5000 MKZ Q=20l/s DN 200, za ispušt u rijeku Okašnicu. Investitor provodi natječajnu proceduru i isti planira ugraditi do lipnja 2024, što potvrđuje danom Izjavom. Za ispuštanje otpadnih voda poduzeću MLINPEK d.d. Bugojno u gradsku kanalizaciju je izdana suglasnost od JKP „Vodovod i kanalizacija“ d.o.o. Bugojno.

Projektna dokumentacija Glavni projekt, „Snabdijevanje vodom, ispuštanjem i tretman otpadnih voda“ izrađene od ovlaštenoga poduzeća „INPROS“ d.o.o. Mostar, oznake VIK 03-10/15 iz oktobra, 2015. godine, predviđeno je da se na dio kanalizacionog sustava koji se ispušta u rijeku Okašnicu ugradi separator ulja i masti s kontrolnim šahtom.

Za postojeće, izgrađeno stanje Investitor posjeduje građevinsku i upotrebnu dozvolu, a nakon završetka radova na tretmanu otpadnih voda prema rijeci Okašnici će se pribaviti upotrebna dozvola za izgrađene radove i ugrađeni separator ulja i masti.

Prema Dinamičkom planu izrađenom sukladno Uredbe o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije (Službene novine Federacije BiH broj 01/24) kojim se Investitor obvezuje da će ugraditi separator masti i ulja kao i ostale elemente odvodnje do 6/2024., sukladno spomenutoj projektnoj dokumentaciji.

Investitora dio kanalizacione mreže koji je izgrađen do rijeke Okašnice nije u uporabi zbog reorganizacije u korištenju i namjeni objekta u kompleksu.

Nakon završetka izgradnje tretmana otpadnih voda, koje se ispuštaju u rijeku Okašnicu, i pribavljene upotrebne dozvole vršit će se montring otpadnih voda na kontrolnom šahtu.

Za dio kanalizacijskog, oborinskog sustava, koji se upušta u gradsku kanalizaciju, vrši se monitoring otpadnih voda i Izvještaj o rezultatima ispitivanja ukazuje da su svi patrametri u dozvoljenoj granici propisani Uredbom o uvjetima ispuštanja otpadnih voda u okoliš i sustave javne kanalizacije.

Na osnovu provedenog postupka konstatira se da je podnosilac zahtjeva „MLINPEK“ d.d. Bugojno, općina Bugojno ispunio minimum uvjeta za izdavanje vodne dozvole za kompleks za skladištenje žitarica, mljevenje žita i proizvodnju mlinskih i pekarskih proizvoda izgrađenog u naselju Crniče, općina Bugojno, kako je to regulirano članom 115. do člana 118. Zakona o vodama («Službene novine Federacije BiH» broj 70/06) i članom 21. i 22. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», br.31/15), te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju
Rukovodilac Sektora za izdavanje vodnih akata



Hariš Ališehović
Hariš Ališehović, dipl. ing.grad.

Dostaviti:

- "MLINPEK" d.d. Bugojno, Gornjevrbaška 35, Bugojno
- AVP, ISV – Vodna knjiga
- Sektor 50.
- Ⓢ Sektor 40, arhiva
- Oglasna ploča-AVP Sava